



Secretaría FGTM
José Luis Cabaleiro Fdez
Cl/ Luis Ksado 17 Local 20
36209 – Vigo (Pontevedra)
Tel: 986227189
Fax: 986223790
Móbil: 675931097
Web: www.fgtm.es
E-Mail: secretariafgtm@fgtm.es

CIF: V15149453



XUNTA DE GALICIA
PRESIDENCIA
Secretaría Xeral para o Deporte



**DEPORTE
GALEGO**

CIRCULAR Nº 7

TEMPADA 2012/2013

TROFEO XUNTA DE GALICIA

NORMATIVA DE TERCEIRA DIVISIÓN NACIONAL MASCULINA

PRIMEIRA, SEGUNDA E TERCEIRA DIVISIÓN GALEGAS

Segundo a normativa da Real Federación Española de Tenis de Mesa corresponde ás Federaciós Territoriais organizar e fixar a oportuna normativa desta competición.

Esta Liga está dividida en tres categorías:

1ª DIVISIÓN GALEGA

Liga regular a dobre volta.

24 equipos participantes, divididos en 2 grupos Norte e Sur, por proximidade xeográfica.

Ascenderán a Segunda División Nacional Masculina tantos equipos como fosen necesarios, tendo en conta a cota outorgada pola Real Federación Española (normalmente 4 o 5 equipos).

Descenderán a Segunda División Galega os tres últimos clasificados de cada grupo.

2ª DIVISIÓN GALEGA

Liga regular a dobre volta.

36 equipos participantes, divididos en 3 grupos Norte, Centro e Sur, por proximidade xeográfica.

Ascenderán a Primeira División Galega tantos equipos como fosen necesarios, tendo en conta os ascendidos e descendidos de Segunda División Nacional Masculina.

Se o número de ascendidos fosen impares, ascendería:

- O equipo co mellor coeficiente entre os encontros gañados e perdidos.
- Se non fose suficiente, miraríase o coeficiente entre partidos gañados e perdidos.
- Despois teríase en conta o coeficiente entre xogos gañados e perdidos.
- Se aínda así houberse empate faríase un sorteo entre os equipos empatados

Descenderán a Terceira División Galega os tres últimos equipos clasificados de cada grupo.

3ª DIVISIÓN GALEGA

Liga regular a dobre volta.

40 equipos participantes, divididos en 4 grupos Norte, Noroeste, Centro e Sur, por proximidade xeográfica.

Ascenderán a Segunda División Galega tantos equipos como fosen necesarios, tendo en conta os ascendidos e descendidos de Segunda División Nacional Masculina.

Se o número de ascendidos fosen impares, ascendería:

- O equipo co mellor coeficiente entre os encontros gañados e perdidos.
- Se non fose suficiente, miraríase o coeficiente entre partidos gañados e perdidos.
- Despois teríase en conta o coeficiente entre xogos gañados e perdidos.
- Se aínda así houberse empate faríase un sorteo entre os equipos empatados

NORMAS COMPLEMENTARIAS E COMÚNS

Todos os equipos participantes na Primeira División Galega interesados en ascender a Segunda División Masculina deberán comunicalo á Federación Galega no prazo de dúas semanas logo de finalizada a liga.

Todo os partidos das ligas galegas deben ter árbitro designado.

Nos partidos de 1ª e 2ª División Galegas os árbitros deben exercer a súa labor co uniforme oficial.

Só se permitirá xogar nas ligas galegas masculinas ÁS XOGADORAS con licenza de 2ª Nacional Feminina.

Só se permitirá xogar a 1 xogadora en 1ª Galega por encontro.

Para ascender de 1ª Galega a 2ª Nacional, non pode haber participación feminina en ningún encontro.

Para ascender de 2ª Galega a 1ª, e de 3ª a 2ª, é imprescindible que en todos os encontros disputados participe polo menos un xogador masculino.

Cada club terá que sinalar os 5 xogadores que militarán en cada equipo, nos formularios facilitados para a inscrición na liga, 4 se téñen equipos en ligas nacionais.

O sistema de xogo a empregar é o Swaythling Reducido Modificado (3/8 xogador@s), tal e como se especifica a continuación:

- dobre quedará como estaba, ou sexa, disputarase no cuarto partido.
- Disputaranse os 7 partidos.
- Poderanse cambiar xogadores **cando un equipo chegue** aos 4 partidos gañados.

O equipo vencedor sumará dous puntos e o equipo perdedor cero puntos. En caso de incomparecencia, encontros inacabados, ou circunstancias irregulares, resolverá o Comité Galego de Disciplina Deportiva (Xuíz Único).

O equipo local entregará ao árbitro, en concepto de Dietas de Arbitraxe, a cantidade de €, **que corresponda segundo a circular do CGA.**

Rexerán os seguintes horarios para os encontros:

- En días festivos e **domingos poderán dar comezo a partir das 10:00 horas. Os sábados a partir das 16:00 horas.**

Poderanse modificar os horarios sinalados, dentro do día indicado no calendario, sempre que se cumpra o establecido nos apartados seguintes:

- Teña a conformidade do equipo visitante.
- Avise con 48 horas de antelación ao Comité Zonal de Árbitros.

Soamente en casos de forza maior se permitiran os aprazamentos de encontros, para o que, os dous equipos terán que enviar ao Xuíz Único a seguinte documentación:

- O equipo interesado:
 - o Solicitud de aprazamento do encontro.
 - o Motivo polo que se pide o aprazamento.
 - o Data alternativa.
- O equipo rival:
 - o Consentimento do aprazamento.
 - o Confirmación da data alternativa.
- Envíen os escritos con sete días de antelación á data de celebración do encontro.

Axiña que o Xuíz Único reciba toda a documentación descrita anteriormente, decidirá en base aos argumentos esgrimidos, a procedencia, ou non, do aprazamento do devandito encontro, para o que remitirá aos dous equipos implicadas un escrito coa resolución que adopte.

Os locais de xogo onde se celebren os encontros deberán ter un área mínima de 9 X 5 X 3 metros, sen obstáculos, con chan uniforme e delimitada en todo o seu contorno por valos regulamentarios.

Os clubs deberán dispor nos locais de xogo do seguinte:

- **Mesa de xogo, en condicións regulamentarias, de calquera das marcas oficiais ITTF para ligas nacionais.**
- Mesa e cadeira para o árbitro.
- Bancos ó cadeiras, para cada un dos equipos.
- Seis pelotas novas.
- Un marcador.
-

Os clubs locais abrirán as instalacións de xogo polo menos 30 minutos antes do comezo do encontro coa fin de que os equipos poidan adestrar.

Os equipos presentaranse a xogar debidamente uniformados, debendo utilizar todos os xogadores dun mesmo equipo, camisetas ou polos do mesmo tipo, modelo e cor.

As mesas, redes e pelotas estarán oficialmente homologadas.

Será responsabilidade do Delegado Zonal de Árbitros a designación dos colexiados que actuarán en cada encontro.

Os árbitros farán constar o seu número de licenza no acta do encontro.

Desprazamentos de árbitros zonais:

- No caso de que a localidade de residencia do árbitro estivese a unha distancia de 10 Km. ou superior do local de xogo, abonaráselle gastos de quilometraxe a razón de 0.19 €/Km. percorrido.
- Se o desprazamento é superior a 100 Km. (ida e volta), ademais do importe sinalado no punto anterior para a quilometraxe, o club local abonará ao árbitro unha dieta Complementaria de 12 €.

Árbitros non zonais:

- Os clubs poderán solicitar ao Comité Galego de Árbitros, cun mínimo de 10 días de antelación á data prevista para a celebración do encontro, un árbitro de zona diferente á do seu adversario. Neste caso o club solicitante abonará ao árbitro os gastos de quilometraxe establecidos no punto anterior e ademais a cantidade de 30 € en concepto de dieta.

O Comité Galego de Árbitros poderá designar en calquera momento un árbitro de zona distinta á do equipo local. Neste caso o club local abonará só os dereitos de arbitrase fixados.

Os gastos derivados do envío do acta do encontro correrán a cargo do árbitro.

A comunicación dos resultados será realizada polo delegado do equipo local subindo a acta antes das 20:00 horas do luns seguinte ó fin de semana da disputa do partido, utilizando a aplicación informática da

web da FGTM, debendo subir o resultado global e os parciais de todos os partidos do encontro, cos xogador@s participantes.

O equipo que non suba a acta do encontro nos termos previstos será sancionado con de **5 €** por cada acta non subida.

A acta do encontro será enviada ben vía correo ordinario a José Cabaleiro (Camiño dos Pumariños,6 Bembrive-Mosteiro, 36313 Vigo (Pontevedra) ou ben vía correo electrónico, debendo estar na Secretaría antes do comezo da seguinte xornada.

O árbitro entregará unha copia do acta ao equipo local e outra ao equipo visitante.

Os árbitros recibirán dos clubs locais en concepto de custodia para cada encontro, e antes do comezo do mesmo, o seguinte material:

- Seis pelotas.
- Actas oficiais.

O seu incumprimento non impedirá a celebración do encontro, pero deberá ser notificado polo árbitro, para que poidan ser tomadas as medidas regulamentarias.

Os árbitros estarán obrigados a presentarse para a súa actuación co uniforme do Comité Nacional de Árbitros, en 1ª e 2ª División Galegas.

Cando non se presentase o árbitro do encontro, e unha vez pasados quince minutos da hora fixada para o comezo, os delegados dos equipos contendentes elixirán de mutuo acordo e entre os presentes a unha persoa que polos seus coñecementos poidan desempeñar as funcións arbitrais; caso de non existir acordo, a elección farase por sorteo entre os candidatos propostos por ambos. A persoa elixida deberá cumprir todas as funcións arbitrais incluíndo informe arbitral detallando os feitos ocorridos.

No caso de que o árbitro se presentase con posterioridade ao comezo do encontro e durante o seu desenvolvemento, deberá facerse o cambio de árbitro, continuando o oficialmente designado. Sería o Comité Galego de Disciplina Deportiva (Xuíz Único) quen, á vista das súas alegacións, decidiría as medidas disciplinarias a tomar. Así mesmo, o árbitro abonará o 50% dos seus honorarios á persoa que inicio o encontro.

En tódolos encontros de 3ª División Nacional Masculina utilizaranse os modelos oficiais de actas que se encontra no páxina da Federación Galega.

Os árbitros agardarán ata media hora logo da hora oficial de comezo do encontro a presentación do equipo visitante. Cumprido este prazo pode procederse á firma do acta por parte do capitán do equipo local. Neste caso, o espazo destinado ao resultado complementarase coas siglas N.P. (non presentado). Sería o Comité Galego de Disciplina Deportiva (Xuíz Único) quen decida o resultado do encontro. No caso de que o equipo visitante presentácese dentro da media hora de espera, deberá xustificar ante o árbitro a causa do atraso para que este inclúao no seu informe ao Comité Galego de Disciplina Deportiva (Xuíz Único).

Para o equipo local tomaranse as mesmas decisións que no punto anterior, excepto no tempo de espera que para o equipo local é de só quince minutos.

Solicitud de licenzas:

- Para solicitar a súa tramitación deberanse seguir os trámites sinalados na circular respectiva da Federación Española de Tennis de Mesa (páxina Web: <http://www.rfetm.com/>).
- Todas as solicitudes de licenzas para a liga de 3ª División Nacional Masculina deberán ter entrada na F.G.T.M. con polo menos 7 días de antelación á data de comezo das súas ligas, abríndose un novo prazo (de 20 días aproximadamente) que vencerá 10 días antes do comezo da segunda volta, podendo aliñarse estes xogadores só a partir da primeira xornada da segunda volta, ao obxecto de poder cubrir a estes cos beneficios da mutualidade que corresponda.

Os Capitáns presentarán ao árbitro, antes do sorteo de letras, as licenzas dos xogadores que poderán intervir no encontro, debendo estes atoparse xa presentes.

Para que o encontro de comezo é imprescindible a presenza de tres xogadores por equipo, aínda que se admiten estas dúas excepcións:

- Cando unha vez sorteados os tres xogadores, un deles sufrise lesión no adestramento previo ou no transcurso do encontro e esta impédíselle seguir xogando.
- Cando o equipo visitante emprendese viaxe desde a súa ou as súas localidades de orixe e durante o traxecto, un dos xogadores sufrise lesión, enfermidade ou calquera outra circunstancia excepcional que lle imposibilitase xogar. Neste caso deberá ser presentada a licenza do xogador e os seus partidos perderaos por N.P.

Se un xogador non presentase licenza pode ser aliñado presentando o seu D.N.I. ou documento xustificativo da súa identidade. Ata a falta de estes, o xogador poderá ser aliñado baixo a exclusiva responsabilidade do seu club. A falta de licenza será especialmente resaltada polo árbitro a fin de dar conta ao Comité de Disciplina Deportiva (Xuíz Único).

Cada equipo poderá aliñar en cada encontro:

- **Da liga de Terceira División Nacional (Primeira, Segunda e Terceira División Galega), xogadores e xogadoras, pero tendo en conta que o equipo que aliñe a algunha xogadora na Liga de Primeira División Galega, non poderá optar ao ascenso á Liga de Segunda División Nacional Masculina.**

- **Aos xogador@s de categorías inferiores incluída a sub-23, da Liga de Terceira División Nacional Masculina (Primeira, Segunda ou Terceira División Galega) que pertencen ao mesmo club, ata un máximo de cinco encontros por xogado@, sen perder por iso a categoría de orixe.**
- **A partir do sexto encontro o club soamente poderá aliñal@ nunha das ligas de categoría superior en que xogou.**
- **A os xogador@s de categoría senior e veterano, da Liga de Terceira División Nacional Masculina (Primeira, Segunda ou Terceira División Galega) que pertencen ao mesmo club, ata un máximo de dous encontros por xogado@, sen perder por iso a categoría de orixe.**
- **A partir do terceiro encontro o club soamente poderá aliñal@ nunha das ligas de categoría superior en que xogou.**
- **Un xogador soamente poderá xogar nunha categoría (Primeira, Segunda ou Terceira División Galega), por xornada.**
- **Só se permitirá xogar a 1 xogadora en 1ª Galega por encontro**
- **Para ascender de 2ª Galega a 1ª, e de 3ª a 2ª, é imprescindible que en todos os encontros disputados participe polo menos un xogador masculino.**

As licenzas de adestradores e delegados son os únicos documentos que facultan aos seus titulares para ocupar o banco correspondente reservado a eles e aos xogadores nos encontros do seu club nas ligas de Terceira División Masculina.

A licenza federativa só ten validez para a tempada en que sexa solicitada, e a súa vixencia será desde o día 1 de Setembro ata o día 31 de Agosto do ano seguinte.

As reclamacións por incidencias ocorridas no transcurso dun encontro deberán realizarse como máximo dentro das 72 horas seguintes á súa celebración, mediante escrito dirixido á Federación Galega de Tenis de Mesa.

O capitán que proteste un acta, soamente deberá asinar no espazo destinado a tal fin, e non nos recadros de capitán vencedor ou capitán perdedor.

Cando un xogador reciba cartón vermello no transcurso dun encontro, o seu club non poderá aliñalo de novo ata que non teña resolución do Comité Galego de Disciplina Deportiva (Xuíz Único).

A acumulación de cartóns nos encontros da Terceira División Nacional Masculina (Primeira, Segunda e Terceira División Galega), levarán aparelladas as sancións que se especifican a continuación:

- Por un cartón amarelo ensinada nun encontro a un xogador, suporá a acumulación de 1 punto.
- Polo primeiro cartón amarelo/vermella ensinada nun encontro a un xogador, suporá a acumulación de 2 puntos.
- Polo segundo cartón amarelo/vermella ensinada nun encontro a un xogador, suporá a acumulación de 3 puntos.
- Por un cartón amarelo ensinada nun encontro a un xogador, por dar instrucións desde o banco, suporá a acumulación de 1 punto.
- Por un cartón vermello ensinada nun encontro a un xogador, por dar instrucións desde o banco, suporá a acumulación de 2 puntos.
- Por un cartón vermello ensinada nun encontro a un xogador (non contan as ensinadas ao banco), será o Xuíz Único o que imporá os puntos de sanción, atendendo á gravidade da acción cometida.

O punto anterior é válido tamén para os adestradores e delegados, pero as penalizacións serán para poder sentar ou dirixir aos equipos no banco.

As sancións por acumulación de puntos serán as seguintes:

- A suma de 2 puntos suporá a sanción dun encontro (a cumprir cando ditamine o Xuíz Único).
- A suma de 4 puntos suporá a sanción dun segundo encontro (a cumprir cando ditamine o Xuíz Único).
- A suma de 5 puntos suporá a sanción dun terceiro encontro (a cumprir cando ditamine o Xuíz Único).
- A suma de máis de 5 puntos nunha tempada será o Xuíz Único o que ditamine a sanción a impor.

Se un equipo se retira da competición:

- Se esta se produce na primeira volta descontaranse a efectos de clasificación os resultados dos encontros que disputase.
- Se a retirada prodúcese na segunda volta só descontaríanse os resultados dos encontros da segunda volta, pero non os da primeira.

Por cada encontro non disputado, ao equipo que non se presentou a xogar imporáselle unha sanción de 150 euros.

Para as normas xerais non contempladas nesta circular estarase ao disposto no Regulamento Xeral da Real Federación Española de Tenis de Mesa, na normativa de Liga Nacionais e resto de normativa aplicable.

Ferrol, 11 de setembro de 2012